



## 大方廣佛華嚴經入法界品四十二字觀門

爾時善財童子從天宮下。向迦毘羅城。至善知眾藝童子所。  
頭頂禮敬於一面立。白言聖者。我已發阿耨多羅三藐三菩提心。  
而未知菩薩云何學菩薩行。云何修菩薩道。我聞聖者善能教誨。  
願為我說。時彼童子告善財言。善男子我得菩薩解脫。名善知眾藝。  
我恒稱持入此解脫根本之字。

- 𑖀 阿<sup>(上)</sup>字時名由菩薩威德入無差別境界般若波羅蜜門。悟一切法本不生故。
- 𑖁 囉字時。入無邊際差別般若波羅蜜門。悟一切法離塵垢故。
- 𑖂 跛字時。入法界際般若波羅蜜門。悟一切法勝義諦不可得故。
- 𑖃 左<sup>(輕呼)</sup>字時入普輪斷差別般若波羅蜜門。悟一切法無諸行故。
- 𑖄 曩<sup>(舌頭呼)</sup>字時。入無阿賴耶際般若波羅蜜門。悟一切法性相不可得故。
- 𑖅 擲字時。入無垢般若波羅蜜門。悟一切法出世間故。愛支因緣永不現故。
- 𑖆 娜字時。入不退轉加行般若波羅蜜門。悟一切法調伏寂靜真如平等無分別故。
- 𑖇 麼字時。入金剛場般若波羅蜜門悟一切法離縛解故。
- 𑖈 拏<sup>(上)</sup>字時。入普遍輪般若波羅蜜門。悟一切法離熱矯穢得清涼故。
- 𑖉 灑字時。入海藏般若波羅蜜門。悟一切法無罣礙故。
- 𑖊 嘯字時。入普遍生安住般若波羅蜜門。悟一切法言語道斷故。
- 𑖋 多<sup>(上)</sup>字時。入照曜塵垢般若波羅蜜門。悟一切法真如不動故。
- 𑖌 野字時。入差別積聚般若波羅蜜門。悟一切法如實不生故。
- 𑖍 瑟吒<sup>(二合上)</sup>字時。入普遍光明息除熱惱般若波羅蜜門。悟一切法制伏任持相不可得故。
- 𑖎 迦<sup>(上)</sup>字時。入差別種類般若波羅蜜門。悟一切法作者不可得故。
- 𑖏 娑<sup>(上)</sup>字時。入現前降雲大雨般若波羅蜜門。悟一切法時平等性不可得故。





## 大方廣佛華嚴經入法界品四十二字觀門

- 𑖀 莽(輕呼)字時。入大迅疾眾峯般若波羅蜜門。悟一切法我所執性不可得故。
- 𑖁 識字時。入普遍輪長養般若波羅蜜門。悟一切法行取性不可得故。
- 𑖂 他(上)字時。入真如無差別般若波羅蜜門。悟一切法處所不可得故。
- 𑖃 惹字時。入世間流轉窮源清淨般若波羅蜜門。悟一切法能所生起不可得故。
- 𑖄 娑嚩(二合)字時。入念一切佛莊嚴般若波羅蜜門。悟一切法安隱性不可得故。
- 𑖅 馱字時。入觀察法界道場般若波羅蜜門。悟一切法能持界性不可得故。
- 𑖆 捨字時。入隨順一切佛教般若波羅蜜門。悟一切法寂靜性不可得故。
- 𑖇 佉(上)字時入現行因地智慧藏般若波羅蜜門。悟一切法如虛空性不可得故。
- 𑖈 訖灑(二合)字時。入決擇息諸業海藏般若波羅蜜門。悟一切法窮盡性不可得故。
- 𑖉 娑多(二合上)字時。入摧諸煩惱清淨光明般若波羅蜜門。悟一切法住持處非處令不動轉性不可得故。
- 𑖊 孃(輕呼上)字時。入生世間了別般若波羅蜜門。悟一切法能所知性不可得故。
- 𑖋 囉他(二合上)字時。入逆生死輪智道場般若波羅蜜門。悟一切法執著義性不可得故。
- 𑖌 婆(引去)字時。入一切宮殿道場莊嚴般若波羅蜜門。悟一切法可破壞性不可得故。
- 𑖍 磋(上)字時。入修行加行藏蓋差別道場般若波羅蜜門。悟一切法欲樂覆性不可得故。
- 𑖎 娑麼(二合)字時。入現見十方諸佛旋般若波羅蜜門。悟一切法可憶念性不可得故。
- 𑖏 訶嚩(二合)字時。入觀察一切眾生堪任力遍生海藏般若波羅蜜門。悟一切法可呼召性不可得故。
- 𑖐 哆娑(二合)字時。入一切功德海趣入修行源底般若波羅蜜門。悟一切法勇健性不可得故。
- 𑖑 伽(去)字時。入持一切法雲堅固海藏般若波羅蜜門。悟一切法厚平等性不可得故。





## 大方廣佛華嚴經入法界品四十二字觀門

- 蛇(上)字時。入願往詣十方現前見一切佛般若波羅蜜門。悟一切法積集性不可得故。
- ㄇ 儻(上)字時。入字輪積集俱胝字般若波羅蜜門。悟一切法離諸諍諍無往無來行住坐臥不可得故。
- ㄨ 頗字時。入成熟一切眾生際往詣道場般若波羅蜜門。悟一切法遍滿果報不可得故。
- ㄣ 塞迦(二合上)字時。入無著無礙解脫地藏光明輪普照般若波羅蜜門。悟一切法積聚蘊性不可得故。
- ㄤ 也娑(上二合)字時。入宣說一切佛法境界般若波羅蜜門。悟一切法衰老性相不可得故。
- ㄨ 室左(二合上)字時。入一切虛空以法雲雷震吼普照般若波羅蜜門。悟一切法聚集足跡不可得故。
- ㄨ 吒(上)字時。入無我利益眾生究竟邊際般若波羅蜜門。悟一切法相驅迫性不可得故。
- ㄨ 荼(引去)字時。入法輪無差別藏般若波羅蜜門。悟一切法究竟處所不可得故。

善男子我稱如是入諸解脫根本字時。此四十二般若波羅蜜為首。  
入無量無數般若波羅蜜門。

又善男子如是字門。是能悟入法空邊際。除如是字。表諸法空。更不可得。  
何以故如是字義不可宣說。不可顯示。不可執取。不可書持。不可觀察。  
離諸相故。善男子譬如虛空是一切物所歸趣處。此諸字門亦復如是。  
諸法空義皆入此門。方得顯了。若菩薩摩訶薩於如是入諸字門。得善巧智。  
於諸言音所詮所表。皆無罣礙。於一切法平等空性。盡能證持。於眾言音咸得善巧。  
若菩薩摩訶薩。能聽如是入諸字門。印阿(上)字印。聞已受持。讀誦通利為他解說。  
不貪名利。由此因緣得二十種殊勝功德。何等二十。謂得強憶念。得勝慚愧。  
得堅固力。得法旨趣。得增上覺。得殊勝慧。得無礙辯。得總持門。得無疑惑。  
得違順語不生恚愛。得無高下平等而住。得於有情言音善巧。  
得蘊善巧處善巧界善巧。得緣起善巧因善巧緣善巧法善巧。  
得根勝劣智善巧他心智善巧。得觀星曆善巧。  
得天耳智善巧宿住隨念智善巧神境智善巧死生智善巧。得漏盡智善巧。  
得說處非處智善巧。得往來等威儀路善巧。是為得二十種殊勝功德。  
善男子我唯知此入諸解脫根本字智。如諸菩薩摩訶薩。能於一切世間善巧之法。  
以智通達。到於彼岸。而我云何能知能說彼功德行。  
時善財童子。頭面敬禮眾藝之足。遶無數匝戀仰而去。

